

Headline	30 tan buah-buahan dijual murah		
MediaTitle	Sinar Harian		
Date	08 Jul 2019	Color	Full Color
Section	Nasional	Circulation	140,000
Page No	37	Readership	420,000
Language	Malay	ArticleSize	176 cm ²
Journalist	N/A	AdValue	RM 3,731
Frequency	Daily	PR Value	RM 11,193



30 tan buah-buahan dijual murah

SUNGAI PETANI - Sekurang-kurangnya 30 tan buah-buahan bermusim dikumpulkan sempena Hari Bertemu Pelanggan Lembaga Pemasaran Pertanian Persekutuan (Fama) pada 13 dan 14 Julai ini.

Pengarah Fama Kedah, Anuar Mohamed berkata, dengan harga ditawarkan antara lima hingga 20 peratus lebih rendah daripada pasaran, program itu dijangka akan menjadi tumpuan warga utara mendapatkan buah-buahan segar dari ladang.

Menurutnya, program peringkat negeri yang diadakan di Pusat Operasi Fama Sungai Petani itu disertai kira-kira 30 usahawan.

“Kita mengalu-alukan orang ramai untuk datang dan memeriahkan program pada Sabtu dan Ahad depan bagi mendapatkan buah-buahan segar dengan harga lebih rendah daripada pasaran,” katanya ketika



Seramai 25 murid dari golongan B40 diberi peluang merasai buah-buahan percuma di Pasar Tani Sungai Petani semalam.

menghadiri Program Dusun Dalam Pekan @ Pasar Tani Sungai Petani di sini semalam.

Hadir sama, Ketua Penolong Pegawai Daerah Kuala Muda, Rozaimie Abd Rahim; Pegawai Fama Kuala Muda, Mohd Fauzi Hashim; Pegawai Perpaduan Daerah, Mohd Fakhzan Nasir dan Penaung Persatuan Kebajikan Pasar Tani Sungai Petani, Datuk Sha-

hanim Mohamad Yusoff.

Sementara itu, Rozaimie berkata, seramai 25 murid B40 dihidangkan buah-buahan termasuk durian sempena program Dusun Dalam Pekan.

Katanya, pada program itu pelanggan diberi peluang menikmati buah-buahan yang dibeli di pasar tani melalui konsep pilih, timbang, bayar dan makan tanpa perlu membawa pulang.